

紅雪樓原本

空谷香

癸亥平湖莫襲



癸亥七月上
海朝記書局
印行

序

文字無關風教者雖炳耀藝林膾炙人口皆爲苟作填詞
其一體也史家傳志之文學士大夫或艱涉獵及播諸管
絃托于優孟轉令天下後世觀場者若古來忠孝賢奸凜
然在目則填詞足資勸懲感發者亦重元人襍劇限于篇
幅故事曲繁白贅節目殊多牽混南曲旣興名作亦鮮琵琶
詞意深摯質樸高華無有倫比雖以幽閨祝髮專工本色
且難追步其他淺俚癡肥者固不足道而妖艷靡曼之
音誨淫倡亂甘以詞章得罪名教遂使毛穎陳元失身溷

廁楚炬秦灰不能廓清摧陷豈非詞場冤山苦海歟或有
迂儒解談忠孝又苦筆陣庸腐麻木不仁而輪困滯拙使
人讀之不快亦恨事也余守越州獲交荅生太史最稱契
洽太史歷落欽寄名山友教跌宕于文章氣誼間有不可
一世之槩酒闌燈灺意有所觸輒縱筆取古今事作金元
院本以發揮其志趣此空谷香傳奇其一種也余謂海內
如顧姚之事者不知凡幾不遇荅生莫傳姓氏今觀三十
首苑結纏綿淋漓透豁意則草蛇灰線文則疊矩重規語
則白日青天聲則晨鐘暮鼓吾不知出于仙佛之炎炎皇

皇耶出于兒女子之喁喁于于淒淒楚楚耶抑出于蒼生
之諄諄懇懇借存提命耶問之蒼生不知也蒼生曰吾甫
擲管時若有不能遏抑者洋洋浩浩奔注筆端乃一決而
出焉吾固不知孰爲仙佛孰爲兒女子而遂成吾空谷香
之三十首矣予曰此有關風教之文也亟授梓氏使讀其
曲者共思其人云辛卯二月燕臺張三禮椿山氏書



空谷香傳奇自序

海寧姚氏爲南昌令尹顧君瓚園賢姬事令尹十有四載
乾隆庚午冬誕一子甫及晬而姬死時年二十有九予往
弔之令尹瘠而慟同人竊有笑之者令尹獨留予飲總帳
側語姬生平事最詳凡三易燭而令尹色沮聲咽子亦泣
然不能去夫姬以弱女子未嘗學問一絲旣聘能爲令尹
數數死之其志卒不見奪雖烈丈夫可也方欲爲姬作小
傳越日晤方伯王宗之先生語及之先生曰吁姬其可傳
也已天下事有可風者與爲俗儒潦倒傳誦曷若播之愚

空谷香傳奇目錄

卷上

第一齣

香生

第二齣

賢饒

第三齣

閨愁

第四齣

絲引

第五齣

利遷

第六齣

誼樓

第七齣

飲刃

第八齣

移官

第九齣

誓佛

第十齣

辭幕

第十一齣

開牋

第十二齣

店綰

第十三齣

買棹

第十四齣

護蘭

第十五齣

殺艚

空谷香傳奇目錄

卷下

第十六齣

懷香

第十七齣

勸訟

第十八齣

虎窮

第十九齣

旅婚

第二十齣

散疫

第二十一齣

佛醫

第二十二齣

賢聚

第二十三齣

報選

第二十四齣

心夢

第二十五齣

麟祥

第二十六齣

病俠

第二十七齣

佛召

第二十八齣

香銷

第二十九齣

賓輓

第三十齣

香圓

空谷香傳奇卷上

鉛山蔣中子士銓填詞

武康高東井文照題評

第一齣 香生

老旦冠帔花神襍四仙女北中
各執荷桂菊梅一花隨上呂

粉蝶兒

旦老

香徧人天謫幽

開卷第一義
看他千鍾百
鍊脫口而出

蘭綠愁紅怨短春光多少因緣五更風三月雨決撒下芳
馨一片好年華半晌流連苦根苗千般磨鍊

紛紛濃艷競韶華都是雕闌頃刻花山翠四圍香一朶
人間何處覓根芽我乃上界花神是也昨領百花侍史

洞澈語火食
人歷劫不能

向西天赴華嚴佛會羣芳俱入供養只有幽蘭仙史遲
到二十九刻比時造化小兒立遣罡風便欲將他吹墮
地獄虧了一位藥師佛捧鉢護持代乞如來薄加譴罰
使他謫生人世二十九年經受種種磨折若果貞心不
改勁節無虧仍當解脫生天與爲懺悔今夕乃其降生
之候不免將大凡指點一番眾侍史你看那蘭仙蹙着
雙眉冉冉來也衆便是小旦澹粧仙衣執蘭花一枝徐

上

南泣顏同生長大羅天強逼輪迴一轉人寰辛苦其中怎

着神仙孤根嫩葉問東皇何忍輕輕貶妬幽姿各樣冰霜
惜餘香誰家庭院

見介花神稽首老旦蘭仙你孤芳自賞小劫乍經此去
塵寰須索珍重小旦弟子偶涉微愆幾遭嚴譴上清淪
謫夫復何辭只是此去不知降生誰氏苦樂因緣作何
了結尙求花神指示老旦前因後果難以明言惟望善
根牢固毋得沈迷烈性操持不可改易其間苦惱無常
歡娛有盡誠覺可悲可喜也

北石榴花

虧了你艷亭亭一捻小嬋娟則待把節義荷香

肩你植根儒素結果名門。中間離合轉移幸與不幸正難
禁受。出落得枝枝葉葉太牽纏。萍花孤梗逐柳絮命絲懸。
成就你砑錚錚成就你砑錚錚。柯銅幹鐵無更變根深蒂。
固雪融春轉結一朶玉靈芝。結一朶玉靈芝。畢罷了神仙
眷那時節重將因果證諸天。

小旦 俛首介 末 藥師佛引二童持幡上

南泣顏回飛花墮地亦堪憐。憑仗慈悲方便看他啼眼盈。
盈珠露難穿。老旦 迎立介 末 花神問訊了。老旦 藥師佛稽

首末 我奉如來法旨特送蘭仙下生海寧姚氏爲女。靈幡

自在流出字
字珠璣

接引命維摩特把飛花餞蘭仙隨我去者趁微風香到人
間了三生一晌因緣

小旦弟子就此拜別拜介老旦扶介罷了可將花枝畱

下十六年後你當重與相見他日仍與汝同歸天上也

小旦遞花介

北上小樓

旦老

做一霎玳梁上雙棲燕開一霎藕塘中並蒂

天上迷離如
是

蓮赤緊的小別如年好夢如秋下界如烟藥師佛蘭仙此

去一切災危尙須尊者默祐末這個自然老旦可憐他石

火光中可憐他石火光中芳魂一縷銷除前件還仗你東

風吹轉。

小旦列位姐姐。就是這等眼睜睜。看着奴家下去也。淚

介衆掩泣介賢妹努力則個合

以耐煩爲消
這苦語三思

南撲燈蛾甚根由。成仙有別離。耐心煩。爲人自消遣。慄磕
磕等閒相拋撇。怯生生紅塵一旋。虛飄飄輕雲莫挽。急攘
攘頃刻判人天。閃搖搖來踪去跡。渺茫茫餘香吹落在誰
邊。

末引仙童小旦別下請了老旦妙呀。

尾聲看他似花枝斜趁春雲展。暫向人問一現。這朵素心